



**ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ
ՔԱՂԱՔԱՔԱՑԻԱԿԱՆ ԴԱՏԱՐԱՆ**

Քաղաքացիական գործ թիվ ԵԴ2/0918/02/24

Ո Ր Ո Շ ՈՒ Մ

**ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ԱՊԱՑՈՒՅՑ ՊԱՀԱՆՋԵԼՈՒ
ՄԱՍԻՆ**

նախագահությամբ դատավոր

ԱՆՆԱ ՇԻԼԱԶՅԱՆԻ

2024 թվականի փետրվարի 13-ին

քաղաք Երևան

քննարկելով «Լենտեքս» ՍՊ ընկերության ներկայացուցիչներ Հայկ Հարությունյանի և Ռիմա Կոչտոյանի կողմից ներկայացված հայցադիմումը վարույթ ընդունելու և ապացույց պահանջելու հարցերը,

Պ Ա Ր Ձ Ե Ց

«Լենտեքս» ՍՊ ընկերության ներկայացուցիչներ Հայկ Հարությունյանի և Ռիմա Կոչտոյանի կողմից հայցադիմում է ներկայացվել դատարան ընդդեմ ՀՀ բարձրագույն դատական խորհրդի աշխատակազմին, Դատական դեպարտամենտի, ինքնուրույն պահանջ չներկայցնող երրորդ անձ՝ ՀՀ ֆինանսների նախարարության՝ 12.07.2023 թվականի թիվ ԴԴ-ԷԱՃԱՊՁԲ-23/19-4 պետական կարիքների համար ապարանքների մատակարարման պայմանգիրը միակողմանի լուծման հիմքն անվավեր ճանաչելու, և որպես հետևանք գնումների գործընթացին մասնակցելու իրավունք չունեցող մասնակիցների ցուցակում ընդգրկվելու որոշումն անվավեր ճանաչելու պահանջի մասին:

Հայցադիմումը Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ՝ Դատարան) գրասենյակ է մուտքագրվել 01.02.2024 թվականին, իսկ դատավոր Ա. Շիլաջյանի աշխատակազմին է հանձնվել 06.02.2024 թվականին:

Դատավորի աշխատակազմը հաղորդակցության միջոցով 09.02.2023 թվականին տեղեկացրել է հայցվորի ներկայացուցիչ Ռիմա Կոչտոյանին հայցադիմումում առկա թերության, մասնավորապես՝ հայցադիմումում նշված կողմերի պատասխանողի և ինքնուրույն պահանջ չներկայցնող երրորդ անձի ներկայացուցիչ փոստի հասցեի բացակայության մասին՝ առաջարկելով եռօրյա ժամկետում ընդացնել այն:



13.02.2024 թվականին հայցվորը ՀՀ քաղաքացիական դատավարության օրենսգրքի 127-րդ հոդվածի 1-ին մասի 1.2-րդ կետով սահմանված կարգով վերացրել է նույն հոդվածի 1.1-ին մասում նշված հայցադիմումում առկա ձևական թերությունը (հիմք՝ հայցվորի ներկայացուցչի կողմից ներկայացված թիվ Մ-1059/24 դիմումը):

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Ուսումնասիրելով հայցադիմումը և կից փաստաթղթերը՝ Դատարանը գտնում է, որ «Լենտեքս» ՍՊ ընկերության ներկայացուցիչներ Հայկ Հարությունյանի և Ռիմա Կոչտոյանի կողմից ներկայացված հայցադիմումը ներկայացվել է ՀՀ քաղաքացիական դատավարության օրենսգրքի 121-րդ, 122-րդ հոդվածների և 27.2-րդ գլխով նախատեսված պահանջներին համապատասխան:

ՀՀ քաղաքացիական դատավարության օրենսգրքի 234.6-րդ հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Նույն հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Հաշվի առնելով վերոգրյալը, Դատարանը գտնում է, որ Երևանի քաղաքապետարանից պետք է պահանջել ՀՀ քաղաքացիական դատավարության օրենսգրքի 234.6-րդ հոդվածի 2-րդ մասով սահմանված՝ տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Դատարանը հարկ է համարում պարզաբանել, որ սույն որոշումն ստանալուց հետո՝ հնգօրյա ժամկետում պատասխանող ՀՀ բարձրագույն դատական խորհրդի աշխատակազմին, Դատական դեպարտամենտը կարող է ներկայացնել տվյալ գնման գործընթացի հետ կապված իր տիրապետման տակ գտնվող բոլոր ապացույցները միայն ապացույցները պահանջելու որոշման կատարման ընթացքում, որպեսզի չկարգավորվի այն դեպքերի, երբ հիմնավորում է ապացույցի ներկայացման անհնարությունը՝ իրենից անկախ պատճառներով, ինչպես նաև հայցադիմումի ավարտակազմի կողմից ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:



Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124-րդ, 188-րդ, 199-րդ, 200-րդ հոդվածներով և 27.2 գլխով նախատեսված հոդվածներով՝ Դատարանը

Ո Ր Ո Շ Ե Ց

1. «Լենտեքս» ՍՊ ընկերության ներկայացուցիչներ Հայկ Հարությունյանի և Ռիմա Կոչտոյանի կողմից ներկայացված հայցադիմումն ընդունել վարույթ:
2. ՀՀ բարձրագույն դատական խորհրդի աշխատակազմին, Դատական դեպարտամենտից պահանջել ՀՀ քաղաքացիական դատավարության օրենսգրքի 234.6-րդ հոդվածի 2-րդ մասով սահմանված գնման գործընթացի հետ կապված պատասխանողի տիրապետման տակ գտնվող բոլոր ապացույցները:
3. Ապացույցներ պահանջելու վերաբերյալ սույն որոշման 2-րդ կետի պահանջները պատասխանողի կողմից ենթակա է կատարման սույն որոշումն ստանալուց հետո՝ հնգօրյա ժամկետում:
4. ՀՀ բարձրագույն դատական խորհրդի աշխատակազմ, Դատական դեպարտամենտն իրավունք ունի հայցադիմումի պատասխան ներկայացնել հայցադիմումը վարույթ ընդունելու մասին սույն որոշումն ստանալուց հետո՝ հնգօրյա ժամկետում:
5. Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



ԱՆՆԱ ՇԻԼԱԶՅԱՆ